



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 402
fax. +387 33 726 423
e – mail: info@voda.ba

Broj: **UP-1/21-1-40-340-6/25**

Datum: **23.10.2025. godine**

„Agencija za vodno područje rijeke Save“ Sarajevo postupajući po zahtjevu Investitora „JOJA - TRANSPORTI“ d.o.o Živinice za donošenje rješenja o prethodnoj vodnoj saglasnosti u svrhu izrade dijela projektne dokumentacije za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa – kamenoloma „Kotornica“, na osnovu člana 139. stav (1) tačka 3. i 10. Zakona o vodama („Službene novine Federacije BiH“, br. 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

R J E Š E N J E **o prethodnoj vodnoj saglasnosti**

1. Pravnom licu „JOJA - TRANSPORTI“ d.o.o Živinice, daje se prethodna vodna saglasnost u svrhu izrade projektne dokumentacije za aktivnost ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa – kamenoloma „Kotornica“ na zemljištu označenom kao k.č. broj 41 K.O. Zukići, Grad Živinice, a u postupku pribavljanja urbanističke saglasnosti i okolinske dozvole ukoliko predmetni objekat i aktivnost podliježe obavezi ishodovanja okolinske dozvole.
Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za korištenje vode, ispuštanje sanitarno-fekalnih otpadnih voda, a za čije je izdavanje nadležno kantonalno ministarstvo u skladu sa članom 139. stav (2) tačka 1., 2. Zakona o vodama.
2. Ova prethodna vodna saglasnost daje se u svrhu izrade dijela projektne dokumentacije koja se odnosi na ispuštanje tehnoloških otpadnih voda koje će nastati kao posljedica provođenja aktivnost na eksploatacionom polju, koje se ne smatraju građenjem, a uključuju istražne radove i ispitivanja, kao i aktivnosti na otkrivanju, eksploataciji i preradi mineralne sirovine krečnjaka unutar katastarske čestice broj: 41 K.O. Zukići, Grad Živinice tj. aktivnosti koje mogu trajno, povremeno ili privremeno uticati na promjenu režima voda i ista se može koristiti u postupku dobijanja urbanističke saglasnosti i okolinske dozvole za istražne radove, eksploataciju mineralnih sirovina te preradu iste na predmetnom lokalitetu.
3. Prethodnom vodnom saglasnošću se utvrđuju uslovi za izradu projektne dokumentacije za predmetne aktivnosti iz tačke 1. dispozitiva, kako slijedi:
 - 3.1. Izraditi i revidovati investiciono tehničku dokumentaciju prikupljanja, tretmana i ispuštanja tehnoloških otpadnih voda sa eksploatacionog polja „Kotornica“, grad Živinice, površine 31,5 km². Projektna dokumentacija treba biti urađena od strane pravnog lica koje ima ovlaštenje pribavljeno od strane Federalnog ministarstva poljoprivrede, vodoprivrede i šumarstva (lista „A“), a u skladu sa članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20, 63/22).
 - 3.2. U investiciono-tehničkoj dokumentaciji treba dati rješenje snabdijevanja tehnološkom vodom za potrebe obaranja prašine na transportnim putevima i radnim površinama te za postupak separacije mineralne sirovine krečnjaka. Projekat treba da sadrži odgovarajuće hidrauličke proračune i sl.
 - 3.3. U projektu treba dati rješenje prikupljanja, odvodnje i tretmana tehnoloških otpadnih voda koje nastaju na prostoru na kojem će se vršiti separisanje mineralnih sirovina, parking površinama, pralištima odnosno prostorima na kojima će se vršiti pranje radnih mašina, skladištenje nafte, naftnih derivata, maziva i ulja, radionice za popravku mehanizacije i dr. radno-manipulativnim površinama koje su opterećene suspendovanim materijama, mastima i uljem i koje se trebaju odvojenim sistemom kanalizacije odvesti na odgovarajući tretman. Prečišćene vode nakon tretmana se mogu ispustiti u definisani recipijent.
 - 3.4. Investitor je obavezan da u cilju zaštite vodotoka–prijemnika od zamuljenih oborinskih onečišćenih voda, predvidi izgradnju taložnih bazena u koje će se prikupljati sve oborinske vode sa radnih platoa, otkopnih etaža i dr. manipulativnih površina. Parking prostor i prostor pretakališta nafte je potrebno asfaltirati sa nagibom prema slivnicima i sabirnim rešetkama unutar tog prostora, te ih oivčiti. Izbistrena voda nakon prečišćavanja, oslobođena suspendovanih materija može se ispustiti

- u definisani prijemnik. U dokumentaciji mora biti naznačen način i lokalitet odlaganja istaloženog mulja iz taložnika sa svim potrebnim mjerama da se isti ne rasipa po okolnom terenu.
- 3.5. Projekat hidroinstalacija (vodovod i kanalizacija) mora dati rješenje snabdijevanja vodom kao odvojeni sistem za korištenje sanitarne i tehnološke vode, a za kanalizacioni sistem, separatnu kanalizaciju tehnoloških otpadnih voda, oborinskih nezagađenih voda, fekalnih voda i oborinskih onečišćenih voda. Projektom riješiti pitanje prečišćavanja svih otpadnih voda i dati način ispuštanja prečišćenih voda do definisanog recipijenta.
 - 3.6. Investitor u tehničkoj dokumentaciji treba dati takva rješenja kojim će se obezbijediti da otpadne vode prije ispuštanja u prijemnik trebaju da zadovolje uvjete za ispuštanje u površinske vode propisane u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20 i 1/24).
 - 3.7. U investiciono-tehničkoj dokumentaciji treba predvidjeti monitoring okna prije ispuštanja prečišćenih otpadnih voda u prirodni recipijent.
 - 3.8. Izrada projektne dokumentacije treba biti usklađena sa važećom prostorno - planskom dokumentacijom i razvojnim planovima Grada Živinice.
 - 3.9. Da se u okviru projektnog rješenja primjene tehničko-tehnološke mjere koje će spriječiti kontaminaciju voda, tla i zraka.
 - 3.10. Projektom dokumentacijom potrebno je obuhvatiti cjelokupni prostor eksploatacionog polja na kojem će se vršiti eksploatacija mineralne sirovine, separacija mineralne sirovine uključujući i prateće sadržaje i postrojenja sa naznakom na kojem lokalitetu će sve vršiti servisiranje mehanizacije, pretakanje nafte i nafnih derivata te njihovo skladištenje na lokalitetu „Kotornica“, grad Živinice. Predmetna dokumentacija mora sadržavati podatke z.k. k.č. i K.O. lokaliteta objedinjenog odobrenog koncesionog prostora, u skladu sa ugovorom.
 - 3.11. Projektom dokumentacijom definisati da se opasni materijal i otpad ne smiju ni privremeno odlagati na česticu „vodno dobro“, odnosno u vodotoke i na njegove obale.
 - 3.12. Projektom dokumentacijom jasno definisati položaj predmetnog prostora u odnosu na površinske vodotoke sa prijedlogom mjera zaštite.
 - 3.13. Projektom dokumentacijom sagledati sve moguće neželjene uticaje kako na planirane aktivnosti i prateće objekte, tako i planiranih aktivnosti na druge objekte i postrojenja, postojeću instaliranu i izgrađenu infrastrukturu na osnovnom dijelu kamenoloma, naselja, druge korisnike voda i sl. i dati prijedlog mjera za uklanjanje odnosno sprječavanje tih utjecaja.
 - 3.14. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
 - 3.15. Investiciono-tehnička dokumentacija za pribavljanje vodne saglasnosti treba biti urađena na nivou projekta za pribavljanje odobrenja za građenje i u skladu sa uslovima iz ove prethodne vodne saglasnosti.
4. Investitor je dužan kod izrade tehničke dokumentacije predvidjeti odgovarajuće mjere da predmetnom aktivnošću, za koju se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese.
5. Po izradi investiciono tehničke dokumentacije, u skladu sa uslovima iz dispozitiva ovog rješenja i stručnoj reviziji iste, korisnik prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti, na projektnu dokumentaciju za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine krečnjaka, na lokalitetu PK „Kotornica“, Grad Živinice u okviru odobrenog koncesionog polja.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata, a prije izdavanja odobrenja za građenje.
- Uz zahtjev se između ostalog prilaže:
- Revidovana Investiciono-tehnička dokumentacija urađena u skladu sa uslovima iz dispozitiva ovog rješenja,
 - Rješenje o urbanističkoj saglasnosti izdato od strane nadležnog organa,
 - Važeći koncesioni ugovor sklopljen sa nadležnim organom koji se odnosi na eksploataciju mineralne sirovine na predmetnom lokalitetu,
 - Rješenje o okolinskoj dozvoli ili potvrda nadležnog organa da ista nije potrebna.
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.

8. Ukoliko nakon izdavanja ove prethodne vodne saglasnosti, a u toku pripreme dokumentacije za vodnu saglasnost nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „JOJA - TRANSPORTI“ d.o.o Živinice podnio je zahtjev za donošenje Rješenja o prethodnoj vodnoj saglasnosti za izradu dijela projektne dokumentacije koja se odnosi na prikupljanje, tretman i ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova sa lokacije prostora površinskog kopa – kamenoloma „Kotornica“ na zemljištu označenom kao k.č. broj 41 K.O. Zukići, Grad Živinice.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

A. Opšta dokumentacija:

- Ovjereña kopija rješenja o registraciji u registar poslovnih subjekata kod upisa „JOJA-TRANSPORTI“ d.o.o. Živinice, Općinski sud u Tuzli,
- Ovjereña kopija katastarskog plana broj: 04/13-26-2380/2025-7, izdatog 06.05.2025. godine od strane Odsjek za geodetske i imovinsko – pravne poslove, Služba za urbanističko planiranje, komunalne geodetske i imovinsko-pravne poslove, Grad Živinice,
- Ovjereña kopija Zemljišno knjižnog izvadka, broj 033-0-NAR-25-003 580 broj uloška 269, izdato 04.07.2025. godine od strane Zemljišnoknjižni ured, Općinski sud u Živinicama,
- Ovjereña kopija Izvod iz Prostornog plana za područje Tuzlanskog kantona 2005 – 2025. godine, broj 12/01-19-035677/22 od 25.10.2022. godine izdatog od strane Ministarstvo prostornog uređenja i zaštite okolice, Tuzlanski kanton,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija:

- Studija za pribavljanje prethodne vodne saglasnosti za potreba eksploatacije krečnjaka na PK „Kotornica“, Atrius projekt d.o.o. Živinice, juli 2025. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata („Sl.novine FBiH“ broj:31/15, 55/19, 41/20, 63/22), bio oglašen dana 03.10.2024. godine u dnevnom listu „Oslobođenje“ i na oglasnoj ploči Agencije. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

U provedenom postupku konstatovali smo sljedeće:

- Prostora površinskog kopa – kamenoloma „Kotornica“ se nalazi na zemljištu označenom kao k.č. broj 41 K.O. Zukići, Grad Živinice.
- Zbrinjavanje sanitarno fekalnih voda predviđeno je u septičkoj jami, bez preлива. Dimenzioniranje septičke jame je predviđeno pri izradi narednih faza projektne dokumentacije.
- Snabdijevanje površinskog kopa – kamenoloma „Kotornica“ sanitarnom vodom predviđeno je preko lokalnog rezervoara – spremnika za vodu, dok se ne steknu uslovi na priključenje na lokalnu vodovodnu mrežu. Za piće je, kao privremeno rješenje, predviđeno koristiti flaširanu vodu.
- Površina koncesionog prostora za eksploataciju krečnjaka iznosi 31,5 km², a istražni prostor je označen tačkama prema tabelarnom pregledu

Tačka	y	x
1	6554315,79	4915695,30
2	6554315,79	4915618,30
3	6554301,86	4915573,24
4	6554440,31	4915520,00
5	6554492,74	4915560,96
6	6554648,38	4915570,79
7	6554723,75	4915525,73
8	6554723,75	4915566,69
9	6555644,29	4915702,68

- Agencija je ovim rješenjem o prethodnoj vodnoj saglasnosti propisala uslove za izradu investiciono tehničke dokumentacije koja treba biti urađena na nivou projekta za pribavljanje odobrenja za građenje te uslovima ostalih nadležnih organa.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu utvrđenog stanja i provedenog postupka doneseno je rješenje kao u dispozitivu ovog Rješenja. Podnosilac zahtjeva je uplatio upravnu taksu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 8/00, 45/10 i 45/13). Podnosilac zahtjeva je izvršio uplatu troškova oglašavanja u dnevnim novinama po Zaključku broj: UP-1/21-1-40-340-5/25 od 22.10.2025. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Obrađivač akta:

Adnan Bašić, dipl.inž.grad.

Po ovlaštenju

Rukovodilac Sektora za izdavanje vodnih akata



Nihad Pezo, dipl.inž.grad.

Dostaviti:

- JOJA-TRANSPORTI d.o.o.
Magistralni put 33, 75 270 Živinice,
- Org.jed. 40 – arhiva,
- ⊗ AVP Sava, ISV-vodna knjiga,
- Oglasna ploča AVP Sava.